

Inatsisartut suleriaasianni § 33 naapertorlugu matumuuna Inatsisartut aalajangiiffigisassaattut siunnersuut imaattoq saqqummiuppara:

Kitaani ukiukkut aaffanniartarnerup januarip 15.-iat aallarnerfigalugu martsip 15.-iat ilanngullugu ingerlanneqartartussanngorlugu Naalakkersuisut Aavernik illersuineq piniarnerlu pillugit Namminersornerullutik Oqartussat nalunaarutaat nr. 20, 27. oktober 2006-imeersoq-p allanngortinneqarnissaannik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Nikolaj Jeremiassen, Siumut)

Tungavilersuut:

Sisimiut Attullu avataani ukiukkut aaffanniartarneq aatsaat martsip aallaqqaataani aallartittarpoq, taamalu kingusitsigisukkut aallartittarnera ilaatigut piniartunik ulorianartorsiorititsinnaasarpog, tassami umiatsiaararsortut aaffanniartarlutik avammungaatsiarsuaq angalasariaqartarput aarrit ukiup taamalinerani siku malillugu ungasittumut pereersimasaramik.

Sisimiut Attullu avataani ukiukkut aaffanniartarneq januaarip qeqqaniit aallartittarlerpat piniartut ulorianannginnerusumik aaffanniarsinnaalissapput taamaalinerani siku kitaanut qaninnerusumiittarmat, tamannalu inuiaqatigiit ataatsimut isigalugit aamma imminut illersorsinnaanerussaaq.

Siunnersuutip aningaasatigut allaffissornikkullu pisortanut kinguneqaatissai

Siunnersuusiorneq Namminersorlutik Oqartussanut allaffissornikkut aningaasartuutaanissaa naatsorsuutigineqarpoq, ukiup affaa avillugu sulinermik naleqartumik (125.000 kr.).

Siunnersuutip namminersorlutik inuussutissarsiorturnut allaffissornikkut aningaasatigullu kinguneqaatissai

Soqanngilaq.

Siunnersuutip innuttaasunut allaffissornikkut aningaasatigullu kinguneqaatissai

Soqanngilaq.